



SUDSKA PRAKSA I NOVOUSVOJENI ZAKONI



Dobrodošli!

Najnovije izdanje Newsletter-a između ostalog sadrži:

- Novosti iz Evropskog suda za ljudska prava
- Najnovije zakone u BiH
- Publikaciju sudske prakse
- Pravna shvatanja Panela za ujednačavanje sudske prakse

VAŽNO

Web stranica Odjela za sudsku dokumentaciju i edukaciju Sekretarijata VSTV-a BiH, koji za vas priprema i uređuje newsletter predstavlja centralno mjesto za pristup izabranim sudskim odlukama i zakonima sa izmjenama i dopunama, što značajno olakšava i ubrzava rad učesnicima u sudskom postupku.

Nosioci pravosudnih funkcija u BiH korisničke podatke za pristup zakonima i edukativnim materijalima mogu tražiti putem e-maila: osde@pravosudje.ba.

Napomena:

Link određenog zakona iz newslettera vodi do ekrana u koji trebate unijeti korisničke podatke i nakon prijave potrebno je ponovo kliknuti na link tog zakona iz newslettera kako bi se isti otvorio.



POSEBNO IZDVAJAMO

[Publikacija "Pregled pravnih stavova sudova najviše instance u Bosni i Hercegovini"](#)

[Pravni sažetak Danilež protiv Rumunije](#)

[Zakon o izmjeni i dopuni Krivičnog zakonika Republike Srpske](#)

[Baza sudskih odluka](#)

Novosti iz Evropskog suda za ljudska prava



Pravni sažetak Danileţ protiv Rumunije

Predmet se odnosio na disciplinsku mjeru izrečenu sudiji, zbog objava na svojoj Facebook stranici.

Presuda je interesantna za analizu povrede slobode izražavanja nosioca pravosudne funkcije primjenom kriterija koje uvodi Sud. Ovi kriteriji su: sadržaj i forma komentara ili drugih oblika slobode izražavanja sudija i tužilaca na društvenim mrežama, kontekst spornih komentara i svojstvo u kome su izrečeni, posljedice spornih komentara, težina izrečene sankcije, odvratajući učinak koji sankcija može imati, ne samo na dotičnog sudiju ili tužioca, već i na profesiju u cjelini, te da li su poštovana procesna prava.

[Pročitaj više](#)

Sudska praksa Evropskog suda za ljudska prava u pogledu načela nezavisnosti i nepristrasnosti

Sada je dostupan prevod dijela Vodiča o članu 6. Evropske Konvencije za zaštitu ljudskih prava, Pravo na pravično suđenje (građanski aspekt), koji se odnosi na principe nezavisnost i nepristrasnost.

Vodič je dio serije vodiča kroz sudsku praksu koje objavljuje Evropski sud za ljudska prava, a citirana sudska praksa odabrana je između vodećih, naročito značajnih i/ili najnovijih presuda i odluka ovog suda.

[Pročitaj više](#)

Praksa Evropskog suda za ljudska prava od 3. i 5. februara 2026. godine

Pročitajte o najnovijim predmetima Evropskog suda za ljudska prava koje se, između ostalih, odnose na predmete:

[Salvador Coutinho dos Santos Amado protiv Portugala](#)

Predmet se odnosi na ocjenu rada sudije, kojom je njegov radni učinak ocijenjen kao „nezadovoljavajući“, što je automatski dovelo do pokretanja disciplinskog postupka.

Nema povrede člana 6. Ek.

[Begić protiv Bosne i Hercegovine](#)

Predmet se odnosio na nemogućnost kandidovanja na izborima za poziciju predsjedavajućeg / potpredsjedavajućeg Predstavničkog doma Parlamentarne skupštine.

[Pročitaj više](#)

Aktuelnosti

Jačanje kapaciteta Bh. pravosuđa za procesuiranje krivičnih djela počinjenih uz korištenje sredstava za masovno uništenje



Visoko sudsko i tužilačko vijeće Bosne i Hercegovine je početkom 2025. godine iniciralo kroz EU CBRN CoE Inicijativu provedbu Pilot projekta “Jačanje kapaciteta za vođenje istraga, procesuiranje i presuđivanje krivičnih djela u vezi sa hemijskim, biološkim, radiološkim i nuklearnim oružjem za masovno uništenje”. Projekat za cilj ima jačanje institucionalnih kapaciteta sudova, tužilaštava i drugih nadležnih institucija za istraživanje, krivično gonjenje, procesuiranje i suđenje za krivična djela koja su vezana za korištenje ovakvog oružja. Od tada do danas, Vijeće je u uskoj saradnji sa Ministarstvom vanjskih poslova BiH, dalo svoj doprinos u planiranju i organizaciji ove pilot obuke.

[Pročitaj više](#)

Održan pripremni sastanak Panela za ujednačavanje sudske prakse za 2026. godinu



Dana 25.2.2026. godine održan je pripremni sastanak Panela za ujednačavanje sudske prakse, s ciljem razgovora o pravnim pitanjima u kojima je uočeno različito postupanje sudova, te dogovora koja će se pitanja razmotriti na sastancima Panela tokom 2026.godine. Od četrnaest tema nominovanih za raspravljanje, usaglašeno je da se na pet sastanaka Panela tokom 2026. godine razmotri njih osam, i to dva pitanja iz krivične, pet pitanja iz građanske i jedno iz upravne oblasti. Datumi sastanaka su također dogovoreni, kao i uloga suda-domaćina, čime je osiguran jasan okvir za ovogodišnje ujednačavanje sudske prakse na nivou cijele Bosne i Hercegovine.

[Pročitaj više](#)

Smjernice CEELI Instituta za komunikaciju sa javnošću i medijima



S ciljem osnaživanja kapaciteta pravosuđa za komunikaciju sa medijima na način koji bi doprinio povećanju povjerenja javnosti u pravosuđe, dana 26. i 27.2.2026. godine u Pragu održana je Konferencija CEELI Instituta "Sudska komunikacija sa javnošću i medijima". Na konferenciji su pored predstavnika pravosuđa zemalja Centralne i Istočne Evrope, uključujući Bosnu i Hercegovinu, učestvovali i sudija i službenik za medije Evropskog suda za ljudska prava, te sudije Okružnog suda u Južnoj Dakoti i Kaliforniji.

[Pročitaj više](#)

Paneli za ujednačavanje sudske prakse

Pravna kvalifikacija i obilježja krivičnog djela pranja novca - zaključci Panela za ujednačavanje sudske prakse iz krivične oblasti

Sastanak Panela za ujednačavanje sudske prakse iz krivične oblasti održan je 1. decembra 2025. godine u prostorijama Suda Bosne i Hercegovine u Sarajevu i bio je posvećen pitanju pravne kvalifikacije i obilježja krivičnog djela pranja novca u svjetlu preporuke iz MONEYVAL izvještaja da BH vlasti trebaju osigurati pravilno tumačenje i razumijevanje krivičnog djela pranja novca među svim tijelima za provođenje zakona, tužiocima i pravosuđem kako bi se otklonili identificirani nedostaci i povećala upotreba objektivnih činjeničnih okolnosti u dokazivanju krivičnog djela pranja novca.

[Pročitaj više](#)

Odgovornost države za štetu koju njen organ prouzrokuje trećem licu - usaglašeno pravno shvatanje Panela za ujednačavanje sudske prakse iz građanske oblasti

Ovo pravno pitanje usaglašeno je na Panelu za ujednačavanje sudske prakse iz građanske oblasti, koji je održan 7. oktobra 2025. godine, a sud domaćin bio je Apelacioni sud Brčko distrikta Bosne i Hercegovine. Na sastanku su učestvovali predstavnici Suda Bosne i Hercegovine – apelaciono odjeljenje, Vrhovnog suda Federacije Bosne i Hercegovine, Vrhovnog suda Republike Srpske i Apelacionog suda Brčko distrikta Bosne i Hercegovine.

U skladu sa Pravilima Panela za ujednačavanje sudske prakse, usaglašeno pravno shvatanje, kao i obrazloženje istog naknadno su verificovali navedeni sudovi – članovi Panela.

[Pročitaj više](#)

Način popunjavanja bjanko mjenice - usaglašeno pravno shvatanje Panela za ujednačavanje sudske prakse iz građanske oblasti

Ovo pravno pitanje usaglašeno je na Panelu za ujednačavanje sudske prakse iz građanske oblasti, koji je održan 10. juna 2025. godine u prostorijama Vrhovnog suda Republike Srpske.

Usaglašeno pravno shvatanje:

„Bjanko mjenica popunjava se u skladu s međusobnim sporazumom povjerioca i dužnika. Ako nema posebnog sporazuma o popunjavanju mjenične isprave, imalac mjenice ju je dužan popuniti u skladu sa uslovima i rokovima otplate iz osnovnog posla.

Teret dokazivanja da je mjenica zloupotrijebljena odnosno popunjena suprotno dogovoru uvijek je na mjeničnom dužniku, jer postoji zakonska pretpostavka da je lice koje je nekome dalo bjanko potpisanu mjenicu ovlastilo to lice da popuni sve ostale mjenične elemente.

Okolnost da je tužilac (imalac mjenice) u bjanko mjenici pogrešno označio vrijeme dospelosti mjenične obaveze nema za posljedicu ništavost mjenice, nego ta okolnost može biti od uticaja samo na pitanje zastarjelosti mjenično-pravnog zahtjeva.“

Obrazloženje usaglašenog pravnog shvatanja pogledajte u dokumentu na linku ispod:

[Pročitaj više](#)

Publikacija "Pregled pravnih stavova sudova najviše instance u Bosni i Hercegovini"



Dostupna je najnovija publikacija „Pregled pravnih stavova sudova najviše instance u Bosni i Hercegovini”, koja se odnosi na period januar - decembar 2025. godine.

Publikacije sadrže pravne stavove koje su Sud Bosne i Hercegovine, Vrhovni sud Federacije Bosne i Hercegovine, Vrhovni sud Republike Srpske i Apelacioni sud Brčko distrikta Bosne i Hercegovine izabrali i objavili putem Portala sudske prakse.

Pravni stavovi su sistematizirani u okviru tematskih cjelina, odnosno pravnih oblasti, čime se osigurava njihova sistematičnost, preglednost i bolje razumijevanje, u konačnici i lakša primjena prava u predmetima sa istim ili sličnim činjeničnim i pravnim osnovom.

Prve dvije publikacije su izrađene uz podršku Evropske unije, tačnije u okviru Projekta “EU podrška reformama pravosudnog sistema u BiH - IPA 2019”, aktivnost 1.2.1. “Jačanje odjeljenja za sudske praksu” odnosno projekta „EU podrška reformama pravosuđa u BiH” - IPA 2022“.

Sve publikacije možete preuzeti na linku ispod:

[Publikacije](#)



Republika Srpska

Krivični zakonik Republike Srpske

U „Službenom glasniku Republike Srpske“, broj 25/2026 od 23.3.2026. godine, objavljen je Zakon o izmjeni i dopuni Krivičnog zakonika Republike Srpske, koji je Narodna skupština Republike Srpske usvojila na Osamnaestoj redovnoj sjednici, održanoj 18. marta 2026. godine.

Krivični zakonik Republike Srpske objavljen je u “Službenom glasniku Republike Srpske”, br. 64/17, 104/18 - Odluka Ustavnog suda Republike Srpske, 15/21, 89/21, 73/23, 105/24 - Odluka Ustavnog suda Republike Srpske, 19/25, 31/25 i 85/25 - Odluka Ustavnog suda Republike Srpske i 92/25.

Ovaj zakon stupa na snagu osmog dana od dana objavljivanja u “Službenom glasniku Republike Srpske.

[Preuzmi zakon](#)

Zakon o registraciji poslovnih subjekata u Republici Srpskoj

U „Službenom glasniku Republike Srpske“, broj 1/2026 od 12.1.2026. godine, objavljen je Zakon o izmjenama i dopunama zakona o registraciji poslovnih subjekata u Republici Srpskoj, koji je Narodna skupština Republike Srpske usvojila na Sedamnaestoj redovnoj sjednici, održanoj 24. decembra 2025. godine, a Vijeće naroda, 30. decembra 2025. godine konstatovalo da se usvojeni Zakon o izmjenama i dopunama zakona o registraciji poslovnih subjekata u Republici Srpskoj ne odnosi na vitalni nacionalni interes nijednog od konstitutivnih naroda u Republici Srpskoj, čime su se ispunili formalno-pravni uvjeti za donošenje ukaza.

Zakon o registraciji poslovnih subjekata u Republici Srpskoj objavljen je u “Službenom glasniku Republike Srpske” br. 67/13, 15/16 i 84/19.

Ovaj zakon stupa na snagu osmog dana od dana objavljivanja u “Službenom glasniku Republike Srpske.

[Preuzmi zakon](#)

Zakon o javnim preduzećima

U „Službenom glasniku Republike Srpske“, broj 1/2026 od 12.1.2026. godine, objavljen je Zakon o izmjenama i dopunama zakona o javnim preduzećima, koji je Narodna skupština Republike Srpske usvojila na Sedamnaestoj redovnoj sjednici, održanoj 24. decembra 2025. godine, a Vijeće naroda, 30. decembra 2025. godine konstatovalo da se usvojeni Zakon o izmjenama i dopunama zakona o javnim preduzećima ne odnosi na vitalni nacionalni interes nijednog od konstitutivnih naroda u Republici Srpskoj, čime su se ispunili formalno-pravni uvjeti za donošenje ukaza.

Zakon o javnim preduzećima objavljen je u “Službenom glasniku Republike Srpske” broj 75/04 i 78/11.

Ovaj zakon stupa na snagu osmog dana od dana objavljivanja u “Službenom glasniku Republike Srpske.

[Preuzmi zakon](#)



Federacija Bosne i Hercegovine

Zakon o prijevremenom povoljnijem penzionisanju branilaca odbrambeno-oslobodilačkog rata

U „Službenim novinama Federacije Bosne i Hercegovine“, broj 6/26 od 24.01.2026. godine, objavljen je Zakon o izmjenama zakona o prijevremenom povoljnijem penzionisanju branilaca odbrambeno-oslobodilačkog rata, koji je usvojio Parlament Federacije Bosne i Hercegovine na sjednici Predstavničkog doma od 19. i 20.01.2026. godine i na sjednici Doma naroda od 23.01.2026. godine.

Zakon o prijevremenom povoljnijem penzionisanju branilaca odbrambeno-oslobodilačkog rata objavljen je u "Službenim novinama Federacije BiH", br. 41/13, 90/17 i 29/22.

Ovaj zakon stupa na snagu narednog dana od dana objavljivanja u "Službenim novinama Federacije BiH", a primjenjivat će se od 01.01.2026. godine.

[Preuzmi zakon](#)

Zakon o penzijskom i invalidskom osiguranju

U „Službenim novinama Federacije Bosne i Hercegovine“, broj 6/26 od 24.01.2026. godine, objavljen je Zakon o izmjenama i dopuni zakona o penzijskom i invalidskom osiguranju, koji je usvojio Parlament Federacije Bosne i Hercegovine na sjednici Predstavničkog doma od 19. i 20.01.2026. godine i na sjednici Doma naroda od 23.01.2026. godine.

Zakon o penzijskom i invalidskom osiguranju objavljen je u "Službenim novinama Federacije BiH", br. 13/18, 90/21, 19/22, 47/24 i 19/25.

Ovaj zakon stupa na snagu osmog dana od dana objave u "Službenim novinama Federacije BiH", a primjenjivat će se od 01.01.2026. godine.

[Preuzmi zakon](#)

Baza sudskih odluka

O izabranim odlukama sudova u Bosni i Hercegovini možete se informisati kroz Bazu sudskih odluka Bosne i Hercegovine. U bazi su vam dostupne meritorne odluke donesene u izabranom predmetu, kao i odluke Ustavnog suda Bosne i Hercegovine ukoliko je u konkretnom predmetu uložena apelacija ovom sudu.

U bazi se trenutno nalazi 16 497 odluka iz građanske i privredne oblasti, 11 307 odluka iz krivično-pravne oblasti, 3 095 iz upravne oblasti, te 4 odluke Evropskog suda za ljudska prava sa vezanim odlukama sudova u Bosni i Hercegovini.

Odluke možete pretraživati po različitim parametrima npr. broj odluke, datum donošenja odluke, naziv suda koji je donio odluku i slično. Pretragu možete vršiti i po pravnim terminima i slobodnom tekstu npr. djela protiv sigurnosti javnog prometa, priznanje strane sudske odluke, otkaz ugovora o radu i slično.

Besplatan pristup navedenoj bazi omogućen je svim zainteresovanim licima od marta 2021. godine, a mobilnu aplikaciju za korištenje Baze možete besplatno preuzeti na App Store ili Google Play trgovini.

**Pretraži
Bazu sudskih odluka
potpuno besplatno**

Aplikaciju možete preuzeti na

 

BAZA SUDSKIH ODLUKA



Na ova područja uključuje članovima iz
Evropske unije.
Na njima sudskog sudjelovanja (za odgovornost
oblasti sudstva i krivično pravo Bosni
kao na sudstva i sudstva stranama. Gomacima unije.

[Pristup Bazi sudskih odluka](#)